

勿得懷害意 嫉惱諸人民

五

菩薩本行經卷下

失譯人名附東晉錄

卷十

菩薩本行經卷中 器九

器九

菩薩本行經卷中

菩薩本行經卷上

中  
又伊  
因葉  
換反  
反襍也  
降

器九

作功德大作誓願我今以此正真之行除去一切衆生身病并除意病佛言我爲尸毗王時爲一鶴故割其身肉與立誓願除去一切衆生危嶮摩訶薩埵太子時爲餓虎故放捨身命舍尸王時自以身肉供養病人經十二年阿彌陀迦良王時病自合藥而欲服之時

器九十六

有辟支佛病與王同來從乞藥王自不服即  
便持藥施辟支佛自作誓願使一切病皆悉  
除愈修陀素彌王時百王臨死而濟其命令  
迦摩沙毘王使入正見十二年惡誓使得消  
除須大摯太子時二兒及婦持用布施摩休  
沙陀太子時以藥除衆生病後入大海得摩

尼珠復除衆生貧困摩訶婆利王時二十四日自以身肉以供病人羼提婆羅仙人時割截手足不起恚意迦尸王時人民疫病王受八關齋起大慈心念於衆生人民病者皆悉除差毗婆浮爲解呪即時人民疫病以身血肉持用解除與鬼噉之人民衆病皆悉除差

梵天王時爲一偈故自剥身皮而用寫經毗楞竭梨王時爲一偈故於其身上而啄千針優多梨仙人時爲一偈故剥身皮爲紙折骨爲筆血用和墨跋彌王時國中人民盡有瘡病王自行見毒樹此毒樹葉墮於水中人飲此水令人有病即拔毒樹根株盡墮以火燒之人民瘡病半得除差其中故有不差者王問醫言衆生瘡病何以不差答王言此瘡病重當得魚肉食之乃差王聞其言即到水邊上樹求願作魚今我以身除衆生病持此功德用求佛道普除一切衆生無量身病意病審如所願其有衆生食我肉者病盡除差

即從樹上投身水中便化成魚而有聲言其有病者來取我肉噉病當除差人民聞聲皆來取魚肉食之病盡除愈於是世尊自說前出宿行所作結於誓願今皆得之今我以此正真之教除去一切衆生災禍時佛便自化身作兩頭一頭看毗舍離國一頭看摩竭國

黑十

疫鬼盡去還於大海人民衆病皆悉除差五穀豐熟人民安樂以法廣化并使意中諸欲之病悉得清淨立之於道一切人民皆大歡喜於是諸比丘異口同音讚歎如來無量功德甚奇甚特不可思議

佛告諸比丘我不但令除衆生病飢渴之患

過去世時亦復如是乃往過去無數世時此閻浮提有太國王名曰梵天與閻浮提八萬四千諸小國王有二萬夫人婢女一萬無有太子晝夜愁憂構祠神祇梵天天帝摩訶霸梨天諸太神日月天地因乃得兒時子生皆端正姝好有大人相名大自在天爲人慈仁

聰明智慧世之典籍星宿變運日月博蝕一切技術莫不通達復學醫術和合諸藥宣令國中諸有病者悉來詣我當給醫藥飲食瞻視人民聞令諸有病者盡詣太子國中大小皆悉歡喜莫不歎德更不向餘醫輕慢餘醫諸醫師輩盡皆瞋恚妬忌太子當于是時舉闇浮提人民疫病加復穀貴集諸醫藥不能令差人民死者日日甚多王大愁憂命石諸醫問其方藥時有一醫姪王太子者心自愈言今此太子是我冤家今乃得便即白王言更有一方試盡推覓王便可之即時便去明日乃還前白王言推得一方若使大王得服

三  
三  
三十

之者衆病必除王即告言須何等藥便試說之醫答王言當得從生以來人慈愍衆生未曾起於瞋恚意者當用其血和藥服之得其兩眼用解遣鬼衆病乃差王即答言從生以來不起瞋恚此實難有此事甚難不可得也太子聞之白父王言此事易耳不爲難得太

子白王言我是父王之子我從生以來不曾恚瞋加害於人常慈愍一切初無惡相我身非常而無堅固不久會亦當死唯願大王聽我爲藥除衆生病王便答言我無子息禱祠諸天日月星辰四山五岳因乃得子今寧亡身失國終不聽汝太子便白父王言我求佛道今我以血施與衆生持此功德佛諸經法盡當解了我今以此肉眼施與衆生以此功德當得如來智慧之眼當爲一切而作正導大王雖無太子故得爲王若使國土無有人民爲誰作王使諸人民病悉除亦使父王無有憂愁王復悲泣答太子言今我寧棄國王位可哀之子實不能捨於是太子長跪又手白父王言今我求於無上正真之道若使愛惜臭穢之身云何得解如來智慧深妙之法云何當得一切慧眼唯願父王莫得却我無上道心父王嘿然更無所說醫白王言我試取血持用和藥與諸病人若便得差乃出

其眼若不差者不須出眼於是太子刺臂出血作誓願言我以此血除衆生病持此功德用成無上正真之道審成佛者一切衆生服此藥者病當除差便以血和藥與諸病人病皆除愈醫便白王其有病人服此藥者皆悉除差目前現事可不信也時間浮提八萬四

千諸小王臣民聞大王太子自出其眼愍救  
一切莫不悲泣皆悉來集長跪叉手白太子  
言唯願大王太子我曹寧自放捨身命不使  
太子毀其眼目汝之慈愍一切衆生不久成  
佛願莫自毀壞其眼目於是太子諫謝諸王  
臣民今我以此血肉之眼除衆生病持此功

德用求佛道我成佛時當除汝等身病意病  
莫得却我無上道心爾時諸王一切臣民聞  
是語已默然而住於是太子便勑左右設施  
解具欲挑其眼語左右人言誰能挑我眼者  
左右人民皆辭不能時醫姪太子者答言我  
能太子歡喜報言甚快持刀授之語醫者言

挑眼著我掌中便挑一眼著太子掌中於是太子便立誓言今我以此肉眼施與衆生不求轉輪聖王不求魔王不求梵王色聲香味細滑之樂持此功德用求無上正真之道使我得成一切智眼普爲十方無量衆生作大醫王除去一切衆生身病意病施衆生智慧之眼作是語已即便持眼著於案上審如我心所願者一切衆生病皆除愈父母見之即便悶絕良久乃蘇諸王臣民舉聲啼哭動於天地宛轉自撲或有迷悶絕者適欲舉刀更挑一眼應時三千大千世界爲大震動三界諸天皆悉來下見於菩薩爲衆生故自挑其眼而血流出無數諸天皆悉悲泣淚如盛雨時天帝釋到太子前問太子言汝今慈愍爲衆生故不惜身命出其肉眼如是勤苦實爲甚難所作功德欲求何等求轉輪王天帝魔王梵天王子求何等願耶太子答言不求聖王天帝魔王梵天王也不求三界色聲香味

之眼作是語已即便持眼著於案上審如我  
心所願者一切衆生病皆除愈父母見之即  
便悶絕良久乃蘇諸王臣民舉聲啼哭動於  
天地宛轉自撲或有迷悶絕者適欲舉刀更  
挑一眼應時三千大千世界爲大震動三界  
諸天皆悉來下見於菩薩爲衆生故自挑其  
眼而血流出無數諸天皆悉悲泣淚如盛雨  
時天帝釋到太子前問太子言汝今慈愍爲  
衆生故不惜身命出其肉眼如是勤苦實爲  
甚難所作功德欲求何等求轉輪王天帝魔  
王梵天王子求何等願耶太子答言不求聖  
王天帝魔王梵天王也不求三界色聲香味

細滑之樂持此功德用求無上正真之道爲  
十方一切衆生作大醫王普除一切衆生身  
病意病施與衆生智慧之眼普離生死一切  
諸患時天帝釋一切諸天讚言善哉善哉甚  
快難及如汝所願成佛不久

時天帝釋即取其眼還用持著太子眼中於

時太子眼即平復絕更明好踰倍於前無量  
諸天即以天華而散其上莫不歡喜父王及  
母夫人嬪女諸王臣民皆大歡喜踊躍無量  
時天帝釋勑比婆嚩摩大將軍逐諸疫鬼盡  
還大海一切病者皆悉除愈天帝便雨種種  
飲食次兩穀米次兩衣服次兩七寶一切衆  
生病盡除差皆悉飽滿無飢渴者人民歡喜  
國遂興隆却後數年父王命終便登王位坐  
於正殿七寶自至爲轉輪王主四天下莫不  
蒙慶所作功德現出獲之

佛告諸比丘爾時太子大自在天者則我身  
是爾時父王梵天者則今父王白淨是爾時

母者今我母摩耶是爾時醫挑我眼者今調  
達是爾時閻浮提人民者今毗舍離國摩竭  
國人民是而我爾時亦除其病飢渴之困我  
今亦復除去衆生身病意病亦使衆生普得  
慧眼立於道證菩薩行檀波羅蜜勤苦如是  
時諸比丘聞佛所說皆大歡喜爲佛作禮

聞如是一時佛在舍衛國祇樹給孤獨園佛  
與千二百五十沙門俱欲入城分衛其佛欲  
入城之時五百天人先放香風吹於道路及  
諸里巷悉令清淨不淨瑕穢糞除臭處自然  
入地悉令道路淨潔五百天人兩於香汁道  
路街巷悉令潤澤而散天華國王臣民見其  
瑞應知佛當來悉捨所好諸事緣務皆悉馳  
走來迎出尊人民見佛中有掃地者散華者  
燒香者持衣布地者中有解髮布地欲令佛  
蹈上而過者以身投地四布令佛蹈上者有  
持幡蓋者有作妓樂者一心又手以清淨意  
而視佛一切衆生各各種種恭敬世尊時有

一婆羅門至爲貧窮無有華香供養之調用  
自慙恥更無餘計唯當一心淨意視佛即便  
恭肅敬意以踊躍心叉手而住視於如來以  
偈歎佛而說偈曰  
表容紫金耀 三十二相明 一切衆生類  
觀者莫不歡 見佛心踊躍 憂愁皆消除

末度生死海 許首禮大安

爾時世尊欣然而笑五色光從口中出有千  
百奇一一光頭出無數明一一光端有七寶  
蓮華一一華上皆有化佛遍照十方下至諸  
大地獄上至三十三天遍照五道幽冥之處  
極佛境界莫不大明三千世界諸天人民見  
佛光明莫不踊躍各離宮殿捨其所樂咸至  
佛所聽說經法而得度者見其光明而得度  
者咸聞化佛所說經法而得度者或有尋光  
來至佛所而得度者無量地獄拷治之處悉  
得休息壽終之後盡得生天一切畜生禽獸  
之處善心自生慈心相向不相傷害壽終之

後亦得生天餓鬼之中都悉自然得百味食  
無有飢渴之想歡喜踊躍無復慳心壽終之  
後盡得生天無量衆生盲者得視聾者得聽  
瘡者得語僂者得伸拘躄能行癃殘百病皆  
悉除愈牢獄繫閑悉皆放解當爾之時大千  
世界諸天人民一切大衆莫不歡喜心皆清  
墨十

七

淨無復三垢其中或有得生天者得道迹者  
往來者不還者得羅漢者得辟支佛道者有  
發無上正真道意者或有堅住不退轉者各  
各如是不可稱計世尊光明照十方已還逮  
身三匝從眉間入於是阿難更整衣服長跪  
叉手前白佛言世尊今笑必有所因唯願說  
之佛告阿難見此婆羅門不阿難對曰雖然  
已見佛告阿難此婆羅門以清淨心一偈歎  
佛從是以後十三劫中天上人中封受自然  
常得端正言辭辯慧人所讚歎不墮三塗八  
難之處却後皆當成辟支佛名曰歡悅一切  
衆會聞佛所說皆悉歡喜歌歎佛德

阿難白佛言如來功德不可思議此婆羅門一偈歎佛所得功德不可限量快乃如是佛告阿難此婆羅門非但今日而讚歎我而得善利乃往過去世波羅柰國王名婆摩達多而出遊獵象兵馬兵車導從前後遊獵於山得一白象身白如雪光澤可愛而有六

牙王得此象大用歡喜即付象師令使調之于時象師即著枷鞅靽大禁閉之於時其象悲泣淚出不欲飲食經于七日象師怖懼此王家象若不飲食不久便死即白王言所得白象不肯飲食悲泣淚出王聞其言即往看之王問象言何以不食象便作人語而白王言我心愁憂唯願大王當去我愁王復問言有何等愁象答王言我有父母年老朽邁不能行來更無供養者唯我供養採取飲食若我在此拘繫無供養者便當俱沒用爲悲愁大王若有大慈放我使去供養父母畢其年命自當來還供養大王不違此誓王聞其言

慚然不樂即讚歎言汝雖畜生修於人行我雖爲人作畜生行王即長跪解象令去時象便去供養父母經十二年父母終亡即便來還詣於王宮王見象還益加歡喜七寶莊嚴瓔珞其身王欲出時象在前導王愛此象過喻太子衆象中最因名象旛時有貧婆羅門

偈十

八

欲詣王乞便問人言作何方便可得財賄有人語之王有白象甚爲敬愛汝若能歎此象者乃可大得時婆羅門伺王出時在路傍住即歎白象而說偈言

汝身甚姝好 猶若天帝象 衆象相具足  
福德甚巍巍 形影無雙比 猶若白雪光

身體甚難及 奇特不可量

爾時國王聞歎白象大用歡喜賜婆羅門金錢五百便用致富佛告阿難爾時象旛者則我身是時婆羅門者今此婆羅門是爾時歎我而得益利用濟窮乏今我成佛而復歎我獲其福報不可限量因得濟度生死之難

阿難長跪前白佛言若使有人四句一頌讚歎如來當得幾許功德之報

佛告阿難正使億百千那術無數衆生皆得人身悉得成就辟支佛道設使有人供養是等諸辟支佛衣被飲食醫藥牀卧敷具滿百歲中其人功德寧爲多不阿難白佛言甚多

甚多不可計量若使有人四句一偈以歡喜心讚歎如來所得功德過於供養諸辟支佛得福德者上百千萬倍億億無數倍無以爲喻賢者阿難一切大會聞佛所說皆大歡喜遶佛三匝頭面作禮

聞如是一時佛在波羅柰國精舍中止諸佛

九  
呂十

之法晝三時夜三時以正覺眼觀於衆生誰應度者輒往度之時波羅柰王有輔相婆羅門新娶婦甚爲愛敬其婦白夫與我一願輔相答曰欲求何等恣隨汝意婦即報言聽我施佛及比丘僧手自斟酌聽說經法夫即可之從汝所欲

爾時世尊知其應度明日晨朝著衣持鉢往詣其家輔相夫婦聞佛在外歡喜踊躍即出奉迎稽首佛足施設牀座請佛入坐供施甘饌並尊食畢輔相夫婦手自執水灌廿尊手於是如來洗手漱口已訖爲說經法讚施之德持戒之福天上人中受自然尊榮豪貴

富樂無極雖復高尊諸欲自恣不能得免三塗之苦地獄之中火燒湯煮刀山劍樹火車爐炭刀鋸解炙甚酷甚痛不可具陳餓鬼中苦身瘦腹大咽細如針孔骨節相敵共相切磨舉身火然百千萬歲不聞水穀之名飢渴甚困不可具說畜生中苦虎狼師子蛇蠍蝮虺更相殘害互相噉食三塗之中惡心熾盛無有善意大如毛髮宛轉苦毒無有出期唯捨諸欲恩惟正諦爾乃得離衆苦毒耳受三界身悉皆有苦一切衆苦皆從集生由集諸欲三毒之垢諸行之報便有衆苦斷絕三毒消然諸欲則無諸行衆行已盡則不受身已

無有身衆苦便滅欲盡諸行一切縛者唯當思惟八正之道佛爲輔相夫婦說此法已應時夫婦歡喜踊躍入四正諦即於佛前得須陀洹道於是夫婦觀家如獄見欲如火不樂恩愛長跪白佛願爲沙門佛即可之髮鬚自墮法衣在身其夫便成沙門婦即成比丘尼俱隨佛後到於精舍爾時世尊重爲說法三十七品諸禪三昧思惟意解諸欲求盡俱成羅漢六通清徹時諸比丘讚歎如來神力智慧并復讚歎二阿羅漢甚奇甚特在於尊豪便能放捨尊貴榮祿其婦少壯棄欲捨樂甚爲難及

偈十

十

佛告諸比丘此阿羅漢乃前世時亦有好心今意亦好乃往過去無量世時波羅奈國婆羅摩達王王有輔相名比豆梨爲人慈仁聰明博達靡所不通唯以十善而用教化王及臣民莫不諮詢受王甚敬愛時海龍王名波留尼王有夫人名摩那斯王甚愛敬於時龍王

是十

士

欲至天上會於釋所龍王持婦囑宮中五百姝女無得燒惱觸誤其意龍王去後於是夫人坐自思惟宿命之事憶念前世爲人之時毀失禁戒今墮龍中即便不樂悲泣淚出諸侍女輩見其不樂咸共問之何以不樂夫人答言憶念先世本爲人時坐犯禁戒今作龍身受此毒惡醜穢之形用爲不樂問諸侍女作何方便得脫龍身生於天上諸侍女言以龍之形含毒熾盛求脫龍身生於天上甚難甚難求索人身尚不可得況生天上有女而便答言我曾聞於闍浮提波羅奈國婆羅達王有一輔相至爲慈仁智慧無比一切經典靡不通達生天人中五道所趣悉皆知之五戒十善而用教化能往問之乃知生天所行之法脫龍之行龍王來還見於夫人顏色不樂即便問言何以不樂夫人答言闍浮提波羅奈國婆羅達王有一輔相名比豆梨至爲慈仁憐愍衆生智慧無比一切經籍靡

不通達欲得此心而用食之欲得其血而飲之若得此者我愁乃除龍王答言莫得憂愁我當求索於是龍王有親友夜叉名曰不那奇語夜叉言而我夫人聞聞浮提波羅柰國王有輔相名比豆梨爲人慈愍智慧第一一切經籍莫不通暢欲得此心并及其血而飲食之爲我索來持兩明珠而用與之於是夜叉即便受教取明珠去到閻浮提化作賈客人波羅柰城捉摩尼珠行人問之言汝持此珠欲賣之不答言不賣欲用博戲即便白王外有賈客持二明珠欲用博戲其王聞之大用歡喜王自恃巧博必足得勝王言將來即喚入宮時王問言欲願何等夜叉答言我得勝者持比豆梨與我王若得勝此珠屬王正便可之諸臣左右咸皆難之王利明珠自恃巧博我必得勝不用臣語即便共博夜叉得勝得比豆梨於時夜叉捉比豆梨徑飛虛空王失比豆梨大用愁憂諸臣皆言王行五

事云國失位一者博戲二者嗜酒三者耽荒女色惑於音樂四者好出遊獵五者不用忠諫行此五事王不得久於是夜叉擔比豆梨到於山間便欲殺之時比豆梨問夜叉言何以殺我夜叉答言龍王夫人聞汝聰明智慧第一爲人慈仁欲得汝血并及其心是以殺汝比豆梨言汝之愚癡不解意趣聞我智慧欲得我血者欲得我法欲得我心者而欲得我心中智慧共往見之欲須何等我盡與之時比豆梨即爲夜叉說人作惡有五事一者作事倉卒而不審諦二者後常多悔三者多懷瞋恚無有慈心四者惡名遠聞人所憎嫉不欲見之五者死墮地獄畜生餓鬼修善之人有五事好何等爲五一者所作審諦以法自御而不卒暴後無所悔二者多慈愍心無所加害三者好名流布聲振四遠四者人皆敬愛猶若師父五者死生天上及與人中快樂無極於是夜叉聞其所說心即開解頭面

署十  
士

作禮誓首其足即從比豆梨求受教誨時比豆梨爲說十善生天之法夜叉聞法歡喜踊躍奉而行之即將比豆梨至龍王所夫人見比豆梨歡喜無量頭面作禮誓首歸命設施寶座供百味饌於是比豆梨便爲龍王及夫人說於五道所行罪福攝身三惡慈愍衆生無所傷害除捨慳貪義讓不盜觀欲瑕穢離於女色貞潔不姪言常至誠無有虛欺言常柔軟無麁獷辭和其鬪諍不訟彼此語則應律不加綺飾心常慈忍不起瞋恚見人快善代用歡喜無嫉妬心一心奉信佛法聖衆乃至真戒明了罪福意無狐疑行此十善具足無缺便得生天七寶宮殿所欲自然不殺不盜不姪不欺絕酒不醉五事具足生於人中國王大姓長者之家尊榮豪貴富樂無極無有慈心殘害衆生強劫人財盜竊非道姪犯他妻愛欲情態無有厭足妄言兩舌惡口罵詈瞋恚嫉妒不孝父母不信三尊背正向邪

行此諸惡死入地獄燒炙榜笞萬毒皆更痛不可言負債不償借貸不歸瓶突無信橋慢自大謗毀三寶死墮畜生驢馬駱駝豬羊狗犬師子虎狼蛇蠍蝎及餘禽獸更相殘害毒心熾盛宛轉受苦無有出期慳貪嫉妬不肯布施不知衣食不信三尊慳火所燒

卷十

十一

死墮餓鬼形體羸瘦骨節相敲舉身火然百年萬歲無有解時晝夜飢渴初不曾聞水穀之名唯行十善攝身口意長得生天快樂無極於是龍王及與夫人一切諸龍悚然心驚毛豎皆奉十善攝身口意持八關齋諸龍歡喜當乎是時金翅鳥王欲來瞰龍盡其神力而不能近於是諸龍甚自欣慶怪未曾有龍王夫人大海諸龍一切夜叉盡奉十善莫不歡喜作禮誓首龍王即問比豆梨言大師欲還間浮提不答言欲還於是龍王即以栴檀摩尼明珠及諸妙寶貢上菩薩夫人殊女一切諸龍及諸夜叉各各奉上異妙珍奇遠送

比豆梨至波羅柰稽首作禮歡喜辭去大海諸龍及諸夜叉毒心消滅死皆生天婆羅達王及諸羣臣一切人民還得覲見師比豆梨皆大歡喜頭面作禮問訊起居時比豆梨爲王具說本末如是王及臣民莫不歡喜歎未曾有於是比豆梨以摩尼珠舉著幢頭至心

求願即雨七寶衣被飲食遍闇浮提無量臣民皆悉豐樂時天帝釋及與人王大海龍王迦留金翅鳥王各捨諸欲來在山澤持齋坐禪自守身心各各自言我得福多天王自言我捨天上諸欲之樂今來在此攝身口意我得福多人王復言我捨宮中諸欲之娛來在此間守身口意我得福多龍王復言我捨大海七寶宮殿諸欲之樂今來在此守身口意我得福多金翅鳥王亦復說言今此龍王是我之食我今持齋攝身口意無傷害心而不食之我得福多於是四王各自歎說意不決了便相謂言今當共往問師比豆梨即往比

豆梨所頭面作禮各白如是誰得福多菩薩答言汝等各豎四幢旛青色白色黃色赤色即使受教豎四幢旛菩薩問言其影異也一種色乎四王答言旛色各異其影一色而無有異菩薩答言汝等四王各捨所欲而來在此持戒自守所得功德皆悉同等而無差特  
革古

如四色旛其影一類而無有異於時四王聞其所言各各意解歡喜踊躍

時天帝釋即以天上劫波育衣奉上菩薩於時人王即以雜妙之寶上於菩薩大海龍王即以髻中摩尼寶珠以上菩薩金翅鳥王天金拂飾以貢菩薩於時四王皆大歡喜作禮而去時闇浮提一切人民龍及夜叉盡行十善當是之時世有壽終者盡皆生天無有墮於三塗中者

佛告諸比丘爾時國師比豆梨者今我身是爾時龍王波留尼者今輔相是龍王夫人摩那斯者今此輔相婦是昔爲龍時從我聞法

歡喜入心得脫龍身生於天上今我得佛從  
我聞法歡喜意解即便出家思惟智慧諸欲  
求盡俱得羅漢過去世時其心亦好至乎今  
世其心亦好時諸比丘聞佛所說皆大歡喜  
爲佛作禮

菩薩本行經卷下

器十

鐸初眼反又初焉反梵碌卓鑿音也析骨上先背曲  
分數云舞提此云忍辱也搏鉢日月之神食侵摩僥力主反  
拘覽足病也必亦反酷哭聲也鞞摩鈕之病也鋸

怖懼其去也反捨然楚狀也漱口音半繫也刀鋸下

據解析上佳買反同前咽細上音煙喉也交鑿莫音也

蝎反反借也態猛美也代反榜笞音鞭杖刑償還也常代他蠻

蛇反反借也突上音底骨下徒蛇上黑官反蠻

蝎反反借也也一作蠻反音一蟲一名蠻也

十五末